

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Predsjedavajućeg Skupštine Kantona Sarajevo

Uputiti: Vlada Kantona Sarajevo, Ministarstvo za nauku, visoko obrazovanje i mlade
Kantona Sarajevo i Rektorat Univerziteta u Sarajevu

PREDMET: ZASTUPNIČKO PITANJE

Poštovani,

Upućujem sljedeće **zastupničko pitanje** Vladi Kantona Sarajevo, Ministarstvu za nauku, visoko obrazovanje i mlade Kantona Sarajevo i Rektoratu Univerziteta u Sarajevu:

1. Da li je Senat Univerziteta u Sarajevu Odluku broj: **01-7-143/23 od 29.03.2023. godine** donio u skladu sa članom 36. stav 1. Statuta Univerziteta u Sarajevu i članom 162. stav 4. Zakona o visokom obrazovanju Kantona Sarajevo, imajući u vidu da je navedenim odredbama propisano da se statusne promjene članica Univerziteta mogu provesti **isključivo uz prethodnu saglasnost osnivača**?

Molim da se precizno navede:

- da li je prethodna saglasnost osnivača pribavljena prije donošenja navedene odluke Senata,
 - ukoliko nije, na kojem pravnom osnovu je odluka donesena bez prethodne saglasnosti osnivača.
2. Da li je Senat Univerziteta u Sarajevu, u skladu sa članom 61. stav 1. tačka h) Zakona o visokom obrazovanju, bio u obavezi da prijedlog Nastavno-naučnog vijeća Stomatološkog fakulteta sa stomatološkim klinikama za pokretanje postupka statusne promjene (Odluka broj: 01-4-2-8-2/2023 od 27.02.2023. godine) dostavi na razmatranje Upravnom odboru Univerziteta u Sarajevu? Ukoliko to nije učinjeno, molim da se navede razlog nepostupanja po zakonskoj obavezi.
 3. Da li je Senat Univerziteta u Sarajevu, u skladu sa članom 61. stav 1. tačka s) Zakona o visokom obrazovanju, bio obavezan da navedeni prijedlog Nastavno-naučnog vijeća uputi Upravnom odboru UNSA, imajući u vidu da se radi o pitanju koje nesporno spada u domen organizacije i reorganizacije visokoškolske ustanove?
 4. Da li su rektor i Senat Univerziteta u Sarajevu imali zakonsku obavezu da pitanje statusne promjene, koje direktno reguliše odnos Univerziteta i osnivača, Skupštine Kantona Sarajevo, prethodno upute na razmatranje Upravnom odboru UNSA, u skladu sa članom 59. stav 2. tačka j) Zakona o visokom obrazovanju?

5. Da li su rektor i Senat imali zakonski osnov da odluku o statusnoj promjeni, bez prethodne saglasnosti osnivača i bez odluke Upravnog odbora, prosljede Ministarstvu za nauku, visoko obrazovanje i mlade Kantona Sarajevo radi dalje procedure.
6. Da li je Odluka Senata Univerziteta u Sarajevu broj: 01-7-143/23 od 29.03.2023. godine usklađena sa članom 59. stav 2. tačka l) Zakona o visokom obrazovanju, kojim je propisano da odluku o formiranju i ukidanju članica univerziteta donosi Upravni odbor, na prijedlog Senata, uz odobrenje Ministarstva?
7. Da li je Ministarstvo imalo zakonsko uporište da Odluku Senata UNSA broj: 01-7-143/23 od 29.03.2023. godine prosljedi u daljnju proceduru prema Vladi i Skupštini Kantona Sarajevo, imajući u vidu odredbe članova 162. stav 4., 61. stav 1. tačke h) i s), te člana 59. stav 2. tačke j) i l) Zakona o visokom obrazovanju?
8. Da li je Ministarstvo postupak statusne promjene provelo u skladu sa članom 52. stav 4. Zakona o visokom obrazovanju Kantona Sarajevo?
9. Da li je i kada Ministarstvo, nakon donošenja Odluke Skupštine Kantona Sarajevo broj: 01-04-612/24 od 29.01.2024. godine, donijelo rješenje o statusnoj promjeni iz člana 47. Zakona o visokom obrazovanju?
10. Da li je i kada Ministarstvo donijelo rješenja propisana:
 - članom 19. stav 2. Pravilnika o postupku osnivanja i utvrđivanja uslova za upis u registar akreditovanih visokoškolskih ustanova,
 - članom 20. stav 7. istog Pravilnika?
11. Da li je i kada Ministarstvo izvršilo upis novih članica u Registar visokoškolskih ustanova, te koji je bio pravni osnov za izvršeni upis, ukoliko je isti proveden?
12. Da li je Univerzitet u Sarajevu, bez rješenja Ministarstva iz člana 47. Zakona i rješenja propisanih Pravilnikom, imao zakonski osnov da podnese zahtjev nadležnom sudu za upis statusne promjene u sudski registar?
13. Kojim zakonskim, statutarnim ili drugim važećim pravnim osnovom je, nakon provedene statusne promjene, izvršena izmjena sastava Senata Univerziteta u Sarajevu na način da su, kao dvije odvojene članice, u Senat uvedeni Univerzitet u Sarajevu – Stomatološki fakultet i Univerzitet u Sarajevu – Stomatološki klinički centar, dok je istovremeno Klinički centar Univerziteta u Sarajevu (KCUS), kao jedan od osnivača Univerziteta u Sarajevu, isključen iz sastava Senata UNSA?

Molim da se precizno navede:

- na osnovu kojeg konkretnog propisa (zakona, statuta ili podzakonskog akta) je izvršena navedena izmjena sastava Senata,
- da li je za takvu izmjenu donesena posebna odluka nadležnog organa Univerziteta u Sarajevu, te koji organ je tu odluku donio,
- da li je osnivač bio upoznat sa navedenom izmjenom i da li je na istu dao saglasnost,

- ko snosi institucionalnu i ličnu odgovornost odgovornost za eventualne pravne i funkcionalne posljedice nezakonitog mijenjanja sastava Senata Univerziteta u Sarajevu.

14. Da li i na koji način će biti osigurana isplata plata zaposlenicima Univerziteta u Sarajevu – Stomatološkog kliničkog centra, imajući u vidu sljedeće okolnosti: da je direktorica Stomatološkog kliničkog centra trenutno na bolovanju, da zaposlenici Stomatološkog kliničkog centra nisu zaključili nove ugovore o radu nakon provedene statusne promjene, da rukovodeća struktura nije imenovana (šefovi organizacionih jedinica i njihovi zamjenici), da nije formirano stručno vijeće kao tijelo nadležno za stručni nadzor i kontrolu rada direktorice i ustanove u cjelini?

U tom kontekstu molim da se precizno odgovori:

- Ko u ovom trenutku ima zakonsko ovlaštenje da potpisuje finansijsku dokumentaciju, obračune i naloge za isplatu plata zaposlenicima Stomatološkog kliničkog centra?
- Da li postoji rizik da zaposlenicima neće biti isplaćene plate, te ko bi u tom slučaju snosio pravnu i materijalnu odgovornost?
- Da li Rektorat Univerziteta u Sarajevu smatra da su ispunjeni minimalni organizacioni i upravljački uslovi za nesmetan rad Stomatološkog kliničkog centra, te koje je konkretne mjere do sada poduzeo radi otklanjanja nastale institucionalne blokade?
- Koje je konkretne korake poduzelo Ministarstvo za nauku, visoko obrazovanje i mlade Kantona Sarajevo radi zaštite prava zaposlenika i osiguranja zakonitog funkcionisanja ustanove?
- Kako će nadležne institucije postupiti u slučaju da se, kroz inspekcijski nadzor ili drugi nadzorni postupak, utvrdi da je razdvajanje Stomatološkog kliničkog centra i Stomatološkog fakulteta bilo neustavno i/ili nezakonito, posebno u pogledu: važenja zaključenih ili nezaključenih ugovora o radu, pravnog kontinuiteta ustanove, odgovornosti za nastalu pravnu, finansijsku i organizacionu štetu?

S obzirom da se radi o pitanju zakonitosti rada visokoškolskih institucija, odnosa sa osnivačem i primjene važećih propisa, tražim da mi se na ovo zastupničko pitanje dostavi potpun, jasan i dokumentovan odgovor, u zakonom propisanom roku.

Sebija Izetbegović, zastupnica u Skupštini Kantona Sarajevo

